

Kanuni takatifu iliandikwa na Mchungaji Sun Myung Moon huko Korea. Ujumbe wake ulioandikwa kwa lugha ya Kikorea ulitafsiriwa kwa mara ya kwanza kwa Kiingereza na sasa umetafsiriwa kutoka Kiingereza hadi Kiswahili. Kanuni hii takatifu inafungua njia kwa yule anayetafuta majibu ya ukweli kwa maswali mengi ya kimsingi hii si tafsiri rasmi kwa mujibu wa baraza la Kiswahili Bakita na tunaomba kwa unyenyekevu msomaji asiwe mkali hata kidogo katika uwasilishaji na tafsiri, jambo ambalo si la moja kwa moja. kutoka Makao Makuu ya kanisa la umoja, lakini kwa wafuasi rahisi na wa kujitolea wa Baba Moon, wanapotaka kusambaza ujumbe wake kwa watu wanaozungumza Kiswahili. Tunapenda kukualika usome kwa makini kitabu hiki kitakachokupa maono mapya ya ulimwengu. na itabadilisha maisha yako yote.

CHAPTER THREE THE PURPOSE OF THE MESSIAH


SURA YA TATU

KUSUDI LA MASIHI

I. KUSUDI LA MUNGU KATIKA MPANGO KWA AJILI YA WOKOVU .

Kila mtu huumbwa kama mtoto wa Mungu. Pale anapojikamilisha mwenyewe na kuwa kama chombo cha wema, huishi katika ufalme wa Mungu hapa duniani na katika dunia ya kiroho. Sababu ya Mungu kuumba ni kujisikia raha kwa kuwahisi wanae wakiishi katika Ufalme wa Mbingu, ambao ni Dunia ya upendo wa Mungu na moyo wake. Ni ule wenye kujengwa kupitia na chini ya msingi wa kukamilika kwa baraka tatu. Hata hivyo, kwa sababu ya Anguko la Wahenga wa kwanza wa watu, mtu akawa mwilisho wa dhambi na uovu, na tangu hapo amekuwa akiishi katika mateso pande zote za hapa duniani na katika dunia ya kiroho, na dhumuni la kuumba bado halidakamilika. Je, Mungu aache lengo lake la msingi kuumba na kulitelekeza bila kulikamilisha? Hapana hatoweza.

Kama anavyosema katika Isaya 46:11, “Nimenena nami nitatekeleza, .nimekusudia nita fanya” Mungu kwa uhakika atatimiza kusudio lake. Mungu wa upendo hawezi kumwacha mwanae katika hali hiyo ya



anguko, sababu mtu aliumbwa kama mtoto wake. Badala yake, Mungu amekuwa akifanya juhudi kwa ajili ya wokovu wa mtu.

Je wokovu ni nini? Wokovu ni ukombozi: kumwokoa mtu anayekufa ni kumkomboa au kumwopoa na kurudia hali yake ya kawaida; kumwokoa mtu anayekufa maji ni kumwopoa na kumrudishia hali yake ya kabla kuanza kuzama. Wokovu wa Mungu kwa mtu ni ukombozi wa Mungu wa mtu aliyekufa na mwenye dhambi katika hali yake ya asili ya wema kurudi katika nafasi ambayo anaweza kutimiza lengo la uumbaji.

Hivyo, lengo la Mungu la wokovu ni kukomboa mtu kurudi hali ya kutokuwa na dhambi, ile hali aliyoiumba Mungu na kumfanya awe binafsi mwadilifu, na kuanzisha familia adilifu chini ya msingi wa mtu huyo, na kuanzisha jamii adilifu, taifa, na dunia, katika msingi wa familia hiyo adilifu.


II. KUKAMILIKA KWA MPANGO WA WOKOVU NI KUKAMILIKA KWA DHUMUNI

LA UUMBAJI.

Kama mtu angetokea kuwa wa thamani hiyo ya uadilifu, tuseme mtu aliyekombolewa amedhihirisha baraka ya kwanza, huyu atakuwaje? Mtu huyu mkamilifu atakuwa na uhusiano


sawa kwa Mungu kama mwili wa huyo mtu ulivyo kwa akili yake. Akili hukaa mwilini, mwili hutenda kadiri akili inavyoelekeza. Vilevile, mtu mkamilifu ni hekalu la Mungu, na Mungu anakaa akilini mwake. Mungu huwa kiini cha mawazo na matendo yake, kiini cha maisha yake. Mtu wa namna hiyo mwenye ukamilifu wa Tabia hupata uadilifu wa umoja na Mungu, kama vile miili yetu huafikiana na akili zetu. Hili limeelezwa katika waraka wa I kwa Wakorintho 3:16, ambao unasema 'je, hamjui kwamba ninyi ni hekalu la Mungu na kwamba roho ya Mungu inaishi ndani yenu?' na Yohana 14:20 anasema 'katika siku hiyo mtatambua ya kuwa nimo ndani ya Baba na Ninyi ndani mwangu, na mimi ndani yenu?'

Kama Adam na Hawa wangejikamilisha wakati huo katika maisha yao Bustani ya Eden je, wangehitaji sala, maisha ya dini, au mwokozi? Kwa nini sala ingekuwa ya lazima kwa waliokuwa wakiendelea kuishi kuwasiliana moja kwa moja na Mungu? Kama maisha ya dini ni maisha ya imani ambayo mtu aliyeanguka huwa nayo katika giza akimtafuta Mungu aliyempoteza, na hivyo kwa nini mtu mkamilifu anayeishi kila siku kama hekalu la Mungu angehitaji namna yeyote ya kuabudu? Hivyo kama mtu asingeanguka katika Bustani ya Eden, pasingekuwepo makanisa au biblia, hakuna mihadhara, hakuna mikesha ya maombi, hakuna mikutano ya mwamsho, hakuna mambo ya namna hiyo. Watu wote watataka kuishi kama walio mwilishwa na wema, akimtumikia Mungu kila siku maisha yake yote. Ni kama wale ambao hawaja zama katika maji hawahitaji mwokozi, watu wakamilifu, wasio na dhambi, hawahitaji mwokozi.



Kama mtu angeanzisha familia adilifu, akatimiza Baraka ya Pili ya Mungu, familia kama hiyo ingekuwaje? Kama Adam na Hawa wangukuwa mume na mke wakimwilishwa katika wema, wakizaa watoto walio mwilishwa na wema, familia hii ingekuwa kiini cha kabila lisilo na

dhambi, jamii, taifa, na dunia. Kupitia familia hii, Ufalme wa Mbingu ungeanzishwa, na kutokea katika familia hiyo jamii adilifu ya familia moja ya Dunia inge endelea, kwa nasaba moja ya 'wazazi wa kweli' (mume na mke wa kwanza) na vizazi visivyo na dhambi vinavyonyumbulika na kustawi kwa siha njema. Mpango kwa ajili ya wokovu wa Mungu ni kuendeleza watu wa Mbingu wa namna hiyo, watu waliotimiza Baraka tatu za Mungu na hivyo kujenga Ufalme wa Mbinguni.



Ni kwa sababu hii, Mungu alimtuma mwanae, Yesu Kristu, kama Mwokozi wa dunia hii. Hivyo, Masihi lazima asimame mbele za Mungu kama chanzo cha waadilifu wote na lazima aanzishe familia adilifu, ambayo ina timiza kusudi la uumbaji na mahali ambapo upendo wa Mungu unaweza kudumu. Lazima aanzishe taifa na dunia adilifu, na hapo ata timiza lengo asilia la Ufalme wa Mungu duniani, na hili ndilo kusudi la Masihi kuja.

III. MPANGO WA WOKOVU KUPITIA MSALABA.

A. Kusulubishwa kwa Yesu.

Mungu kweli aliwapenda watu wateule wake, Waisraeli, ambao walikuwa wawe msingi wa kuja kwake Masihi. Mara nyingi Mungu alitabiri kuja kwa Masihi na hata ali waonya watu

wawe na tahadhari na kumsubiri. Mungu tena alimtayarisha shuhuda mkuu Yohana Mbatizaji, ili kumshuhudia Masihi. Kwa hakika Taifa la Israel lilikuwa na shauku kusubiri ujio wa Masihi.

Kwa masikitiko makubwa, hata hivyo, wateule walio andaliwa walishindwa kumtambua Masihi alipokuja. Mwana wa Mungu ali lalama kuwa yeye ndiye Mwana wa Mungu, lakini maneno yake yaliangukia katika masikio ya viziwi. Hakuna aliye muelewa kamwe ; alidhihakiwa na kuitwa mtu wa kufuru na hatimae akasulubiwa. Kinyume chake, viongozi wa wapagani wa wakati huo walijua usafi wa Yesu (Lk 23:14-16 ; Yoh 18:38 ; Mt 27 :19,23 ; Marko 15:10-14), na wakati huo waliomtia hatiani walikuwa ni watu wake na viongozi wa Uyahudi, ambao Mungu aliowalea na kuwatayarisha kwa muda mrefu. Hata hivyo walikuwa na shauku ya kumpeleka Yesu msalabani. Kwa nini?

Wakristu wamekuwa wakiamini kuwa kifo cha Yesu msalabani kili andikiwa na Mungu kama mpango wa asili . Hapana, haikuwa hivyo ! Lilikuwa ni kosa kubwa sana kumsulubisha Yesu Kristo. Usulubisho wa Yesu ulikuwa ni matokeo ya ujinga mkubwa wa watu wa Israel kuhusu mpango wa Mungu. Niya ya Mungu ili kuwa wazi kwa watu wateule kumkubali na kumwamini Yesu (Yoh. 6:29, 10:37, 38) na kupokea wokovu. Watu wa Israel hawakujua Yesu Mnazarethi alikuwa nani, na hata alivyokuwa anakufa msalabani, walimdhihaki, wikipiga kelele kwamba wangemwamini kama mwokozi pale tu angejinasua msalabani. Biblia inasema kuwa alikuja nyumbani kwake, na watu wake hawakumpokea, (Yoh. 1:11); na Mtume Paulo, anashuhudia kuwa, “hakuna hata mtawala wa zama zile aliyejua hili; na kama wangejua, wasingemsulubisha Bwana wa Utukufu’ (I Wakor. 2:8).

Wakristo wa leo hawana uelewa mzuri wa ukweli ulio nyuma ya matukio kihistoria yaliyojiri wakati wa Yesu. Kama niya ya Mungu kwa ajili ya wokovu wa mtu ingelitimia kwa Kusulubishwa tu, kwa nini ilimchukua muda mwingi kutayarisha watu wateule? Je haikuwa kwa sababu hakutaka kumtoa mwanae kwa watu wasiokuwa na imani?

Katika bustani ya Getsemane, Yesu alisali “.....Roho yangu ina huzuni nyingi, kiasi cha kufa ; kaeni hapa,mkeshe pamoja namiBaba yangu ikiwezekana, kikombe hiki kiniepuka.....” (Math26.38-39). Yesu alitamka sala hii si mara moja, ila mara tatu. Wakristo wengi wanaoamini kwamba jukumu la Yesu lilikuwa ni kuleta wokovu kwa kufa msalani, huelezea kuwa Yesu alitamka sala hili kutokana udhaifu wa kibinadamu. Lakini ilikuwaje kwa Yesu Kristu mwokozi wa watu atamke sala kutokana na udhaifu wa kibinadamu?

Mkristu shahidi, Mfia dini wa kwanza, Stephano, na mashahidi waliofuata, kamwe hawakusali katika hali hiyo ya udhaifu. Kwani waliwahi kuomba hata mara moja kusema “naomba kikombe hiki kiniepuka”, wakati wakifa? Tunaweza je kusema Yesu alikuwa dhaifu zaidi ya hawa mashahidi? Na hasa kama kuja kwake kulikuwa kuja kuwaokoa wote kwa kufa msalabani, je pange wezekana kuwepo sababu yeyote ya kuomba kuepuka msalaba?

Sala ya Yesu haikuwa ya ubinafsi au wasiwasi, aliyotamka kwa woga wa kufa. Kama kusulubishwa kulikuwa njia pekee ya Yesu kuwaokoa watu, angependelea kufa msalabani mara nyingi zaidi ya maelfu. Yesu alikuwa anasikitikia nafasi yake kama Masihi, ambaye

alikuwa atimize Lengo la Uumbaji Duniani. Moyo wake ulihangaika na kutafakari juu ya Mungu atakavyo huzunika kama mpango wake kwa ajili ya wokovu ungecheleweshwa. Yesu alionyesha tena mateso na kutokwa damu kwa wanafunzi na wafuasi wake, Wakristu, ambao wangufuata njia yake ya mateso na msalaba. Tena, alifadhaishwa na mtafaruku wa baadae ambao ungewapata watu wa Israel kama wangemkataa. Akiwa anazingatia haya katika akili yake, katika bustani ya Gestemania,

Sababu Yesu aliomba ili asisulubishwe

(Mathayo 26 :38-39)

1 Kuhusika juu ya Mungu

2 Kuhusika juu ya wafwasi wake

3 Kuhusika juu ya Israel

Yesu alitamka sala ya mwisho ya kukata tamaa kwa Mungu, akirudia kumuomba Mungu aendeleo kumuacha awepo duniani, hata katika mazingira yasiyo na matumaini kama yale, ili aweze kuendelea na kazi yake ya kubadili mioyo ya watu mpaka ambapo wangemkubali.

Kama kifo cha Yesu msalabani kingekuwa kime pangwa na Mungu, na kwa nini Yesu akasema kwamba Yuda Iskariote, msaliti wake, " '....ole wake mtu yule ambaye anamsaliti Mwana wa Mungu! Ingekuwa heri kama mtu huyo asingelizaliwa' " (Math. 26:24); na tunaweza kuelezea vipi kilio cha Yesu msalabani " '.....Mungu wangu, Mungu wangu, mbona umeniacha?' " (Math. 27:46). Kama kusulubishwa ndilo kusudio asili la Mungu kwa Yesu, na hapo Yesu angejisikia safi mwenye raha pale msalabani kukamilisha kwa mafanikio jukumu lake.

B. Kiasi cha wokovu unaopatikana kwa njia ya Msalaba na dhumuni la ujio wa kristu mara ya pili

Kifo msalabani hakikuwa jukumu ambalo kwa asili Mungu alimpangia Yesu, Mwanae. Badala yake lilikuwa toleo la pili la adha kwa Mungu ambalo lililazimishwa na kukosekana kwa imani kwa watu wa Israel. Kitu gani kingetokea kama watu wa Israel wangemwamini Yesu na kumpokea, kumpenda na kuunganika naye? Kwa uhakika kabisa, wokovu kamili ungekuwa umepatikana. Kwa maneno mengine, Yesu angekuwa amejenga Ufalme wa Mbinguni hapa


duniani, mahali ambapo dhumuni la uumbaji lingekuwa limehitimishwa. Dunia ya Mungu ingekuwa imejengwa – dunia ambamo watu wote humwaamini na kumfuata Mwana wa Mungu. Watu wa Israel wangukuwa kiini cha utukufu wa Mbingu. Dunia ya Wayahudi na Wakristo wasingekuwa wamegawanyika, na wala Wakristo wa kwanza wasingeteseka na masumbuko ya kutisha. Zaidi ya hapo, kwa sababu ya Masihi kwamba angekuwa ametimiza jukumu lake, pasingekuwepo haja ya Ujio wa Pili.

Kwa kufahamu suala la wokovu kwa mwangaza huu, tunaweza kuona kuwa kusulubishwa kwa Yesu ilikuwa mpango wa pili wa wokovu na hivyo kutoa '*wokovu wa kiroho*' tu. Pale watu walipotokea kutomwamini Yesu na kumuacha, Mungu ilibidi alipe gharama ya ukosefu wa imani wa Waisrael na watu kwa kutoa maisha ya Mwanae wa pekee kwa Shetani kama fidia. Matokeo yake, Shetani aliharibu mwili wa Yesu kwa kumwangika msalabani, na damu ya Yesu msalabani ikawa malipo kwa ukombozi wa watu.

Kwa kufufua Yesu aliyesulubiwa, Mungu alifungua njia ya wokovu kiroho, njia ambayo ni ukanda huru dhidi ya shambulio la Shetani. Ushindi wa Mungu haukuwa usulubisho, lakini kwa ufufuko wa Yesu. Kama matokeo ya usulubisho, miili ya watu bado inashambuliwa na Shetani, hata hivyo ingawa walikusudiwa kuokolewa kwa mtu kumwamini Yesu na kupandikzwa kwake (War. 11:17). Ni roho tu ya mwanadamu inaweza kupata wokovu kwa sharti la kushiriki ufufuko kwa imani ya mtu katika Kristo Mshindi. Miili yetu bado inahitaji ukombozi (War. 8:23).

Kama Watu wa Israeli wangelimfwata Yesu

- 1 Ufalme wa Mbinguni ungejengwa hapa duniani
- 2 Hakuna kugawanywa kwa Uyahudi na Ukristo
- 3 Hakuna mateso kwa Wakristo
- 4 Hakuna Ujio wa Pili




Hivyo, hata baada ya kutokea Yesu duniani, dunia inaendelea kufadhaishwa na nguvu za Shetani, na dhambi inadumu katika miili ya binadamu kila mahali. Mtume Paulo alilia, "...Ole wangu, maskini mimi ! Ni nani atakayeniokoa na mwili huu wa mauti ? ...mimi mwenyewe kwa akili zangu naitumikia sheria ya Mungu, bali kwa mwili wangu naitumikia sheria ya dhambi. (War. 7:24-25). Yeye kama mtawa, alikuwa mcha Mungu na katika rehema ya Bwana, lakini mwili wake uliendelea kukandamizwa na dhambi. Toba hii haishii kwa Paulo peke yake, lakini kwa kila mtu aliye hai. Hii ndiyo sababu, Biblia inatuambia "tusali kila mara" (1Wathes. 5:17)- juu ya kutulinda dhidi ya shambulio la shetani. Vile vile 1Yoh. 1:10 inasema "kama tukisema hatujatenda dhambi, tunamfanya yeye mwongo...", akitwambia bado tuko chini ya pingu za dhambi ya asili. Hakuna hata mmoja ambaye amesafishwa dhambi ya asili. Ni kwa sababu hii Masihi atatokea tena duniani, kuondoa dhambi zetu kabisa kabisa na kujenga Ufalme wa Mbingu duniani, akihitimisha Dhumuni la Uumbaji.

C. Utabiri wa aina mbili juu ya Masihi.

Kama kifo cha Yesu msalabani hakikuwa muhimu ili kutimiza kusudi la kimsihi, ni kwa nini Isaya 53 anabashiri mateso na kifo cha Masihi? Hapa lazima tukumbuke kuna aya nyingine katika Biblia zinatabiri kuwa Masihi atakuja kama mwana wa Mungu mfalme wa wafalme na atakayeleta ufalme wa Mbingu duniani. Tabiri hizi zinatokea katika Isaya 9:11 na 60, katika aya nyingine katika Agano la Kale, na katika Luka 1:31-33.

Pale Mungu alipomuumba mtu wa kwanza, alimuumba akue afikie ukamilifu kwa njia tu ya mtu kutimiza wajibu wake. Mtu anaweza kutimiza wajibu wake kama Mungu anavyomtaka, au kinyume anaweza kushindwa kutimiza. Kitaratibu, ilikuwa lazima kwa Mungu atoe aina mbili za utabiri kukamilisha Kusudio Lake.

Ni wajibu wa Mungu kumtuma Masihi, lakini ni wajibu wa mtu kumwamini. Bahati mbaya, kwa kutomkubali Yesu, Waisrael walishindwa kutimiza wajibu wao; hawakutimiza utabiri wa awali wa ujio wa Masihi, ambao umo katika Isaya 9,11 na 60 na Luka 1:31-33, lakini kinyume wakachukulia utabiri wa pili wa matokeo ya mateso kwa Masihi, katika Isaya 53.



IV. YOHANA MBATIZAJI NA KURUDI KWA ELIA.

A. Masihi na Eliya.

Katika suala hili, kuna jambo moja ambalo lazima tulidadisi hilo linalohusu mpango wa Mungu kuwa Yesu kupitia njia ya msalaba. Mungu amerudia akitabiri mara kwa mara kwa watu wateule juu ya kuja kwa Masihi, na wateule wenyewe walikuwa wakimsubiri kwa shauku na kufurahia ujio wake. Je, Mungu aliwezaje kumtuma Masihi katika hali ambayo watu wateule hawakuweza kumtambua? Je, yalikuwa mapenzi ya Mungu wasimtambue na kumpokea Masihi? Au, je, wateule walishindwa kumtambua mbali na ufunuo wa jinsi ambavyo angekuja?


Ili kupata majibu ya maswali haya, hebu tuchunguze ujio wa pili wa Eliya. Katika kitabu cha Malaki ambacho ni kitabu cha mwisho cha unabii katika Agano la Kale, ilisemewa, “ ‘Angalieni, nitawapelekea Eliya nabii, kabla haijaja siku ile ya Bwana, iliyo kuu na kuongofya’ ” (Malaki 4:5,6). “Siku kuu na ya kutisha” inayosemewa ni ya wakati wa kuja kwa Masihi, na hivyo unabii huu unaonyesha kwamba kabla ya kuja kwake Masihi, Eliya lazima kwanza arudi.

Eliya alikuwa nabii mkuu wa Israel aliyekuwepo miaka mia tisa kabla ya Yesu. Kuna maandishi ya juu ya kupaa kwake Mbinguni juu na gari la moto (2Wafalme 2:11). Waisrael waliokuwa wakimsubiri Masihi walikuwa hasa awali wakizingatia hasa ujio wa nabii wa kihistoria, Eliya. Hii ni kwa sababu Agano la Kale halikutabiri kwa dhati ni lini Masihi atakuja, lakini kwa uwazi lilionyesha kuwa Eliya atamtangulia.

Ilikuwa ni katika mazingira kama haya kwamba Yesu alitokea, akijitangaza kuwa Masihi. Aliwaambia Wayahudi kuwa yeye alikuwa Mwana wa Mungu -hili kwa watu hawa walimwona tu kama mvulana kutokea Nazareti. Walikuwa bado kusikia habari zozote juu ya kuja kwa Eliya, hivyo waliuliza “Inawezekanaje Yesu Mnazareti kuwa Mwana wa Mungu?”

Na pale wanafunzi wake walipotoka kwenda katikati ya watu wa Israeli, kushudia juu ya Yesu, watu walikuwa na mashaka kwamba Yesu alikuwa Masihi na kuwapa changa moto kwa kuwauliza wanafunzi juu ya Eliya yuko wapi, kwani Eliya alikuwa amtangulie Masihi. Hivyo wanafunzi wake Yesu walimrudia na kumuuliza Yesu, “ ‘.....eti kwanini waandishi hunena ya kwamba imempasa Eliya kuja kwanza?’ ” (Mt. 17:10). Yesu akajibu, “ ‘.....Kweli Eliya yuaja kwanza, naye atatengeneza yote, ila nawaambia ya kwamba Eliya amekwisha kuja, wasimtambue, lakini wakamtenda yote waliyotaka.....’ Ndipo wale wanafunzi walipofahamu ya kuwa amesema nao habari za Yohana Mbatizaji” (Mt. 17:10-13)

Yesu alijua maana ya swali muhimu la waandishi na kuonyesha kuwa Yohana Mbatizaji alikuwa ujio wa pili wa Eliya. Wanafunzi wa Yesu waliweza kuamini kirahisi juu ya jambo hili, lakini Waisrael wangeweza kuamini jambo hili? Yohana Mbatizaji, hakuja kutoka Mbinguni, na yeye binafsi alikana kuwa yu Eliya (Jn 1:21). Yesu mwenyewe alijua watu wasingekubali hili kirahisi, akisema




“.....Na ikiwa mnataka kukubali, yeye ndiye Eliya atakayekuja,” (Mt. 11:14).

Yesu alisema Yohana Mbatizaji alikuwa Eliya ambaye watu walimsubiri kwa muda mrefu, lakini kwa kuwa yeye mwenyewe Yohana Mbatizaji binafsi aljikana ni yupi watu wangemwamini? Kwa kawaida, ingetegemea na jinsi gani watu wa wakati ule walivyo mtazama Yesu na Yohana Mbatizaji.

Kwanza, Yesu alionekana mbele ya Waisraeli kwa wakati huo? Yesu alikuwa ni kijana asiye eleweka vizuri katika nyumba nyenyekevu ya fundi seremala na hakujulikana kuwa na uzoefu wa taaluma za kiroho. Bado Yesu alijitangaza kuwa Bwana wa sabato (Mt. 12:8), alijulikana kama mpiga marufuku sheria (Mt 5:17), alikuwa rafiki wa watoza ushuru na watenda dhambi, na alijulikana kama mlafi na mlevi (Math. 11:19). Alijiweka kuwa hatua sawa na Mungu (Yoh. 14:9-11) na akawaambia watu kuwa wampende zaidi ya mtu mwingine yeyote (Math. 10:37). Sababu hii, viongozi wa Wayahudi walifika kiwango kia kusema Yesu alikuwa akifanya kazi zake kwa nguvu ya Beelzebul, mkuu wa mapepo (Math. 12:24).

Na upande mwingine, Waisraeli wa nyakati hizo walimuonaje Yohana Mbatizaji? Alikuwa mwana wa familia mashuhuri, na miujiza tangu atungwe mimba na kuzaliwa kwake ilijulikana inchi nzima (Lk 1:5-66). Alipokuwa mtu mzima aliishi kwa kula nzige na asali huko jangwani, na hivyo kwao, aliishi maisha ya mfano kama mtu wa imani. Kwa kweli, Yohana alionekana mtu wa kiwango cha juu kiroho kwa makuhani wakuu na watu wa kawaida, nao waliuliza kama yeye hakuwa yule Masihi (Lk 3:15, Yoh 1:20)



Katika mazingira ya aina hii, watu wa Israel walijifanya kumwamini zaidi Yohana Mbatizaji, ambaye aligoma hakuwa Eliya, kuliko kwa Yesu, ambaye aliwaambia kuwa Yohana Mbatizaji ndiye Eliya. Watu wakaamua kuwa hoja ya Yesu kuwa Yohana Mbatizaji alikuwa Eliya ilikuwa si ya kusadikika, na walifikiri alisema hivyo ili aaminike kwa madai yake juu yake mwenyewe.

B. Jukumu la Yohana Mbatizaji.

Je, ni kwanini basi Yesu alisema Yohana Mbatizaji ni Eliya? Kama ilivyo katika Lk. 1:17 inaonyesha Yohana Mbatizaji alikuwa na jukumu kama la Eliya. Watu wa Israel walikuwa wakiamini maneno ya Agano la Kale kama yalivyo, walichukulia kuwa Eliya mwenyewe kabisa atashuka chini kutoka Mbinguni. Lakini Mungu alimchagua Yohana na akamtuma na jukumu kama la Eliya.

Yohana Mbatizaji alitangaza kuwa alitumwa kabla ya Masihi (Yoh. 3:28);, 'kunyoocha njia ya Bwana' (Yoh. 1:23). Akiwa mtu wa namna ya pekee muhimu, Yohana, kwa busara zake, ali paswa kujua yeye mwenyewe kuwa ni Eliya.

Wengi wa makuhani wakuu na watu wa Israel waliomheshimu Yohana Mbatizaji walifikiri labda yeye ni Masihi. Kwa hiyo, kama Yohana Mbatizaji angejitangaza kuwa Eliya na kushuhudia kuwa Yesu ndiye Masihi, wa yahudi wa wakati huo wangeweza kumtambua na kumpokea Yesu, na hapo kupata wokovu. Kisha familia ya Yesu ambapo historia yake ilionyesha kutokuwa na uzoefu kiroho lisingekuwa tabu. Hata hivyo, kwa sababu ya kuto kujua

mpangp wa Mungu, Yohana Mbatizaji alisisitiza kwamba yeye hakuwa Eliya. Hii ilikuwa sababu kuu iliyowazuia watu wa Israel wasije kwa Yesu.

Tunasoma katika Mathayo 3:11, Yohana Mbatizaji alisema kuwa alibatiza kwa maji, lakini yule anayekuja nyuma zake (Masihi) atabatiza kwa Roho Mtakatifu na moto ; alisema alikuwa hastahili kufungua gidamu ya kiatu chake (Yoh. 1:27). Vile vile katika Yoh. 1 :33, Yohana akasema , “ ‘mimi binafsi sikumjui ; lakini yeye (Mungu) aliyenituma kubatiza kwa maji aliniambia kuwa, “yule ambaye utaona Roho anashuka na kukaa kwake, huyu ndiye abatizaye kwa Roho Mtakatifu [Kristu]”. Na nimeona na kushuhudia kwamba huyu ni Mwana wa Mungu.’ ” Hivyo Mungu alimpa Yohana Mbatizaji ufunuo wa moja kwa moja kwamba Yesu ni Mwana wa Mungu. Pamoja na kwamba mwanzo Yohana alitimiza jukumu la kumshuhudia Yesu, kwa masikitiko hakumshuhudia kwa maisha yake yote.

Baada ya kukutana na Masihi, kila mtu lazima amwamini na kumtumikia maisha yake yote. Hili ni kweli hasa kwa Yohana Mbatizaji, ambaye alikuja na jukumu la Eliya, ambalo lilikuwa ni kuandaa njia ya Masihi (Lk 1:76). Kwa hiyo, Yohana ilimbidi amtumikie na kukaa na Yesu kama mmoja wa wanafunzi wake. Baba wa Yohana Mbatizaji aliambiwa juu ya jukumu mwanee wakati wa alipozaliwa na akatabiri na kusema, “.....’Na wewe, mtoto, utaitwa nabii wa aliye juu, kwani utaenda mbele zake Bwana kuandaa njia yake, kutoa habari za wokovu kwa watu wake.....’ ” (Lk. 1:76,77). Hata hivyo, hatupati ushahidi katika Biblia ambapo Yohana Mbatizaji alimtumikia Yesu.

Kabla ya Yohana Mbatizaji kufa gereza, akiwa ameishi bila kutimiza jukumu lake la kumtumikia Yesu, alianza kuwa na mashaka juu ya maisha yake na ya Yesu na akatuma wanafunzi wake kwa Yesu kuuliza, “.....’ Je, wewe ndiye yule ajae au tumsurie mwingine?’ ” (Math. 11:3). Kifungu hiki kinaonyesha bila mashaka kwamba Yohana hakumwamini Yesu na wala hakumtumikia kabisa.

Yesu ali udhika kwa swali kama hilo na akajibu kwa kuhukumu, “ ‘.....Naye heri awaye asiyechukizwa nami’ ” (Mathayo 11 :6), akionyesha kwamba ingawa wa Israeli walikuwa na heshima kubwa kwa Yohana, lakini Yohana aliishindwa katika jukumu lake

Yesu alisema tena, “ ‘... Amin, nawaambieni, Hajaondokea mtu katika wazao wa wanawake aliye mkuu kuliko Yohana Mbatizaji ; walakini aliye mdogo katika Ufalme wa Mbinguni mkuu kuliko yeye’ ” (Math. 11:11). Mmojawapo alikuwa mkuu sana kuzaliwa na mwanamke, kwa uhakika atakuwa vilevile mkuu katika Ufalme wa Mbinguni. Basi, ingekuwa Yohana Mbatizaji, ambaye alizaliwa kama mkuu katika historia, awe mdogo zaidi ya mtu mdogo sana Mbinguni?

Mungu alimtuma Yohana Mbatizaji kama mkuu wa manabii, kwa sababu alikuwa amtumikie Masihi na kumtangaza mbele za watu wote. Lakini alihindwa kutimiza jukumu lake. Mathayo 11:12 pia inaeleza hili kwa kusema, “ ‘Tangu siku za Yohana Mbatizaji mpaka sasa Ufalme wa Mbinguni hupatikana kwa nguvu, nao wenye nguvu wauteka.’ ” . Kama Yohana Mbatizaji angemtumikia Yesu vizuri, akitimiza wajibu wake, angekuwa mwanafunzi mkuu ; lakini kwa

vile alishindwa, Petro, ambaye alijitahidi sana miongoni mwa wanafunzi wa Yesu, akawa kiongozi wa wale Kumi na Wawili.

Ili kuandaa watu wa Israel wawe na imani katika Yesu, Mungu alitoa shuhuda nyingi kwa wazazi wa Yohana, Zakaria na Elizabeti, ambao walikuwa wawakilishi wa Uyahudi wa wakati huo. Mungu aliendelea kufanya miujiza kwamba watu wangeweza kukubali yeye ndiye alikua anatumika moja kwa moja kwa kutungwa mimba na kuzalikwa kwa Yohana Mbatizaji. Bila shaka Yohana aliambiwa na wazazi wake juu ya uhusiano wake na Yesu, na kama ilivyoelezwa hapo juu, lazima alipokea ufunuo kwa wingi moja kwa moja toka kwa Mungu.

Bado, mbali na maandalizi yote haya Yohana Mbatizaji alishindwa kwa sababu ya kutokuamini na ujinga wake wa kutokuelewa mambo. Zaidi ya hayo, ujinga wa kutoelewa yeye mwenyewe na kutokuamini kwake hakuku sababisha kupoteza binafsi tu, lakini pia kwa kuwafanya wengine washindwe kuamini na mwisho kusababisha Yesu kusulubishwa.